



Газет
1994 жылдың 15 сәуірінен
бастап шығады

• Қалалық қоғамдық-саяси әлеуметтік-
ақпараттық тарихи-танымдық газет •
E-mail: akmeshit.kz@mail.ru



Париж: Оқ, озбырлық, ойран

Саяси шешім, қоғамдық құрылымдағы әділетсіздікке қарсы тұру жолы – наразылық шарасы. Бірақ кейде осы ұғымның аразігі мен шегіне жету мүмкін болмайды. Олай дейтініміз, қарсылық қалай тұтанары, наразылық кезінде халықтың шыдамы қай тұста бітері, істің орайы немен аяқталарын болжау қиын. Дегенмен бәрине ортақ қарсылық тетігі бар. Ол – локальді жүйенің ойсыздығы, күштік құрылымының озбырлығы. Мәселен, Ирандағы дүрбеленге Махса Амнидің өлімі себеп болса, Джордж Флойд қазасы АҚШ-тағы қарсылықтың өзегіне айналды.

Дәл осындай сценарий Францияда да жалғасуда. 27 маусымда көлік тізгіндеген жасөспірімді полиция атып өлтіргеннен кейін елде жаппай тәртіпсіздік басталды. Ел астанасы Париж бен бірнеше ірі қалада наразы топ ғимараттарды қиратып, өрт қойып, полициямен қақтығысты. Тіпті кейбір шеруші «Нахель үшін кең аламыз» деп жазылған плакаттар ұстап алған. Қазір де қарсылық толастар емес. Өртенген көлік, жаракат алған адамның саны көп. Оқиға туралы тұрақты хабар таратқан CNN тілшісі Ниама Кеннедидің бағдарламасы назар аударуға тұрарлық.



«Францияда 2024 жылы жазғы олимпиада өту қажет. Ал мұнда тыныштық жоқ. Халық полиция қолынан қаза тапқан жасөспірімнің ісін әділ жүргізуді талап етуде. Оққа ұшқан жігіт жаяу жолмен заңсыз жүріп, жаяу жүргінші мен белсебетшінің өміріне қауіп төндірген. 2 сақшы жүргізушіні тоқтатып, көлікті өшіріп деп бұйырған. Бұған құлақ аспаған ол көлікті ары қарай жүргізе бергенде, полиция бір рет оқ атқан. Офицер алғашқы көмек көрсетуге тырысқан. Бірақ жеткішшек жан тапсырды. Негізі қару заңсыз қолданылған. Тергеу мен біз жинаған материалдар осыны айғақтап отыр. Соттың да ұстанымы осындай», – дейді Ниама Кеннеди.

Бағдарламада оқиғаның қалай орын алғаны егжей-тегжейлі баяндалған. Тілші сөзінше, қақтығыс Парижден 11 шақырым жердегі Нантер қаласында болған. Жергілікті тұрғын түсіріп алған мына бейнежазбадан 2 полицияның көлікті тоқтатқанын және жеткішшектің ары қарай жүріп кеткенін көруге болады. Кейін полиция оқ атқан. Оқ атқан полиция уақытша қамауға алынды. Прокурор оққа ұшқан жеткішшектің бұрын да бірнеше рет жол ережесін бұзғанын айтады. Бұл жолы қасында тағы 2 адам болған. Біреуі жауап алынғаннан кейін босатылған. Ал үшіншісі іздестіріліп жатыр.

«Қайтыс болған жеткішшек 2006 жылы туған. Ол бұған дейін де бірнеше жол ережесін бұзған. Соңғы рет 25 маусымда Нантер сотында жауап берген. Қыркүйекте сотқа қайта келуі керек болған. Мерт болған жігітті таниғындар тергеушілердің мәлімдемесімен келіспейді. Нантерде мыңдаған адам шеруге шықты. Ереуілшілердің арасында жергілікті шенеуніктер де бар. Назары топқа Нахельдің анасы да қосылды.

Нахельдің кінәсіздігін бейнекамералар анық көрсетіп тұр. Егер осы камералар болмағанда, «Ол бұған дейін де ереже бұзып, полицияға ұсталған» деп бұл істі жылы жауып қоя салар еді. Полициягерге неге көп қару беріледі? Байқауымызша, тәртіп сақшыларының жүйкесі жұқарған, оларды оқыту керек, оларға адам жетіспей жатыр. Полициягердің іс-әрекеті бақылаудан шығып барады. Сондай-ақ тәртіп сақшыларының арасында нәсілшілдік бар. Жұмысшы тап тұратын аудандардағы жағдай қатты ушығып кеткен. Осының бәрін ашық талқылап, шешу жолын іздеу қажет», – дейді тілші.

Жапсы биыл Франция полициясының қолынан 2 адам қаза тапқан. Жол ережесін бұзған олар сақшының талабына құлақ аспаған екен. Ал былтыр осындай себеппен 13 кісі көз жұмған. Тәуелсіз ақпарат агенттіктерінің мәліметінше, оққа ұшқандардың көбі қара нәсілді немесе араб ұлтынан дейді. Еуропада мигранттар көбін ескерсек, бұл қақтығыс жүйенің күйреуіне желу ықтимал қауіптің бірі.



Жалғасы 4-бетте

«ӘЛЕУМЕТТІК КОДЕКСТІҢ» ӘЛЕУМЕТКЕ ПАЙДАСЫ ҚАНДАЙ?

Көптен бері айтылып, талқыланып жүрген маңызды құжат – «Әлеуметтік кодекс» шілденің алғашқы күнінен бастап күшіне енді. Халықты әлеуметтік қолдауға бағытталған, тіпті ТМД аумағында алғаш рет қолданысқа еніп отырған бұл құжаттың әлеумет үшін пайдасы қандай болмақ? Кодекс халықтың жағдайын жақсартуға қалай әсер етпек?

Маңызды құжаттың маңызы туралы Үкімет отырысында Премьер-министрдің орынбасары – еңбек және халықты әлеуметтік қорғау министрі Тамара Дүйсенова атап айтқан еді. Оның айтуынша, әлеуметтік кодекс адамның өмір сүру кезеңін түгел қамтиды. Яғни дүниеге келген күннен бастап, қарттық шақтағы өмір маңызды құжатта қамтылған. Құжатта туғаннан кәмелет жасқа толғанға дейінгі әлеуметтік қолдау, еңбекке қабілетті жаста жұмыспен қамту, еңбек қауіпсіздігі, әлеуметтік сақтандыру шаралары, өмірлік қиын жағдай туындаған кезде берілетін әлеуметтік көмек және жасы ұлғайған шақтағы қолдау көзделген. Енді әлеуметтік қолдаудың барлығы осы бір құжат арқылы реттеледі.

2 бетте



ТАРИХЫ ТЕРЕҢ, ЕҢБЕГІ ЕРЕН – ҚАРАУЫЛТӨБЕ



Бүгінгі біздің бағытымыз – Қарауылтөбе ауылдық округі. Орайы келгенде айта кетелік, «Ауыл – ел бесігі» мемлекеттік бағдарламасы негізінде қалаға қарайтын ауылдардың тыныс-тіршілігін жазуды дәстүрге айналдырдық. Мақсатымыз – ауылдың тіршілігін көзбен көріп, көңілге тую, шынайы ауылдың бейнесін сол қалпында оқырманға жеткізу.

3 бетте

ӨЗІМІЗДІҢ ӨНІМ

«Eco Green»: Дайын таңғы ас

Қазіргі таңда өз ісін бастаймын деген жанға шектеу жоқ. Кез келген дүниені қиыннан қиыстырып кәсіп көзіне айналдыру ебін таба білген адамға түк емес. Тек тұтынушы талғамы мен талабын білсең болғаны. Десең те мұның бәрі еңбекпен, ізденіспен келетінін жасыра алмаймыз.

Елімізде бұл кәсіп түрінің тұсауы енді кесіліп, қадамын тәй-тәй басып келеді. Алматы сынды үлкен шаһар тұрғындарына жақсы таныс болғанымен ел ішінде әлі де болса кең етек жая қоймаған. Ал оны өңірге әкелген кәсіпкер – Самал Смаилова. Ол өндіретін гранола – табиғи таза өнім. Адам ағзасына пайдасы зор өнім дұрыс тамақтануды жөн көретіндер үшін таптырмас дүние.



4 бетте

ҚАЛА ЖӘНЕ АДАМДАР

Әлеуметтік желіден түрлі ұлттың киімін киген қуыршақтар көзге түсті. Алақандай ғана қуыршақтар түрлі-түсті киімдерімен-ақ тартымды, көздің жауын алатындай. Әр ұлттың киімін киіп, қаз қатар тізілген қуыршақтарға қызыға түстік. Бұл қаланың жас тұрғыны Сабина Темірболатованың туындысы екен.



Сабинаның қуыршақтары

4 бетте

БРИФИНГ

Конго-Қырым безгегі адам өміріне қауіп тудыруда

Бүгінде кенеден келетін кесел Сыр өңірінде үдеп барады. Соңғы екі аптада Конго-Қырым геморрагиялық қызбасынан 3 тұрғын қайтыс болды. Қаза тапқандардың үлкені – 77 жастағы қария. Ал ең жасы жуырда ғана 32-ге толған. Бұл туралы өңірлік коммуникациялар қызметінде өткен брифингте облыстық санитариялық-эпидемиологиялық бақылау департаменті басшысының орынбасары Әлия Әбдіқайымова айтты.



2 бетте

